

فيرچا

رسال عشقناز خانيمين ايش اوتاغيندا اوزونه اور تي چكىلميش ايكي لوحه وارايدى. او، ساعتلرجه قاپونى باغلايير، تازه ياراتديغي اثرى ايشله بيردى. اونين كيچيك قيزى آزاده بو گونلر بويوك بير مراق ايچره سينده ياشايبيردى. گوره سن اناام نه چكىر؟ گوره سن بو ياراتديغي اثرى نه وقت منه گوستره جك؟!

عشقناز خانيم اوز اثرينى وطن آزادليغينين ايل دونومينه حاضيرلايبيردى. بو بويوك و بختيار گونه آز قالميشدى. رسام گئجه- گوندوز راحتليک بيلمه دن چاليشيردى. بو گون كيچيك آزاده بوخودان آييلان كيمي: اناجان، سن بو گون اثرينى منه گوستره جكسن، ائيله دگيلمى؟ - دئدى.

رسال انا سويمه لى قيزينين بوينينى قوجاقلاييب، اونى ايش اوتاغينا آپاردى. پرده لرى چكدى، پنجره لرى آپچدى. اوتاغا عطرلى بير باهار هاواسى دولدى. پنجره لردن ائله بيل كى نور شلاله سى آخيردى. عشقناز خانيم، ياراتميش اولديغي لوحه نين اوزونده ن چهرايى اورتوگى آپچدى. دونوب قيزينا باخدى، ياراتديغي اثردن توكونلر نور شعله لرى سانكى قيزى آزاده نين گوزلرينده پارلايبيردى. آزاده اوزونده درين بير حيرت افاده سيله اناسينى قوجاقلادى. ايچينى چكدى:- انا، بو نه قدر گوزه لدير- دئدى. عشقنازين ياراتديغي گوزه ل و بختيار بير قادين رسمى ايدى. اونون دوداقلاريندا نجيب و خوشبخت بير تبسم وارايدى. او گولومسه بيبيردى، او، كونلونين درينلريندن گلن شفاف، پارلاق بللورى بير تبسمله گولومسه بيبيردى. آزاده بو لوحه يه دويا- دويا باخير: انا، بو گوزه ل قادين كيمدير؟- ديه خبر آلبيردى. عشقناز خانيم:- قيزيم، بو بيزيم آزاد وطنيميزين تمثاليدر، بو بيزيم دوغما اناميز، سويمه لى وطنيميزدير!- دئدى. آزاده نين سئوينجينين حدودى يوخ ايدى. او بو رسمى سير ائنديكجه گولومسه بيبيردى. انا- قيز رسمين قارشيسيندا داينميش اونى سير ائديرديلر. ببردن آزاده نين گوزلرى اناسينين گئيش و ايشيقلى ايش اوتاغيندا باشقا بير شئيه ايليشدى. او، اوزه رينه قارا پرده چكىلميش بير لوحه ايدى. آزاده:- اناجان، بس او نه دير؟ اونين اوزوندن پرده نى آچ باخيم- ديه تاكيد ائيله دى. عشقناز خانيم تردد گوستردى:- لازم دگيل قيزيم، قوى او قالسين!.. لاکن كيچيك آزاده ماراقلا تاكيد ائتدى. عشقناز خانيم قيزيندان هئچ زامان حقيقتى گيزلتمزدى. قيزينى كيچيكليكدن حقيقت يولى ايله تربيه ائيله ميشدى. آزاده، گوزلرينى اوزى قارا اورتولى لوحه يه زيلله ميش، ماراقلا گوزله بيبيردى. رسام قادين لوحه نين اوزونده كى قارا اورتيني گوتوردى.

بالاجا قیزین گوزلری دهشتله دولموش، کورپه دوداقلاری بوزولموش، آغلاماق ایسته بیردی. او، تیتره ک دوداقلاری ایله:- آنا، بس بو کیمدیر؟- دییه سوروشا بیلدی. آناسی:- بو بیزیم کئچمیش اسیر وطنیمیزین تمثالیدیر.- دئدی.

- بس اونى کیم چکیب؟!

- اونى هئچ زمان صنعتی اولمه ک بیلمه یین، بویالاری، رنگلری سولماق بیلمه یین بویوک بیر رسام چکیب، قیزیم.

- بو رسامین آدی نه ایدی؟!

- او رسامین آدی خلقدیر قیزیم. خلق اسیر وطنین تمثالینی اوزون ایلر بویله یاراتمیشدیر. آزاده نین مارقى گئتدیجه آرتیردی.- آناجان، سن او رسام حقیقنده منه چوخلی دانیش- دئییردی. عشقناز خانیم قیزینی پنجره نین قاباغینداکی کورسینین اوسته اوتورتدی، سونرا بالاجا اللرینی اوز اللرینه آلیب اونا بئله بیر حکایه دانیشدی: ((اوزون ایلر بوندان قاباق یاد ائلی بیر حکمدار بیزیم وطنیمیزی ضبط ائله دی. سیلاحلار سوسدی. ظفر بورولاری چالیندی. حکمدار الدهه ائله دیگی غلبه نامینه طنطنه لی بیر ضیافت وئر جیگینی اعلان ائله دی.- مغلوب خلقیمین معتبر آداملاری بو اولکه نین ان قیمتلی تحفه لرینی منیم ضیافتیمه گتیرسینلر- دییه امر وئردی. گوش غروب ائدن زمان جئیران دوزونده زینتلی بیر سفره آچیلدی. اعیانلار گلدی. عیش- عشرت مجلسی قورولدی. حکمدار، خارا یاسدیقلار، متکالر ایچینه غرق اولراق ضبط ائتدیگی اولکه نین آخشام گوزه لیگینی سیره دالدی. حکمدارین مجلسینه اونین امری اوزره تحفه لر گتیردیلر... آذربایجان شاعیرلرینین شیرین قوشمالاریندا وصف ائدیلن نازیندا گوزه لر، اوره کلری ابدی بیر قوتله یانديران یانقلی تبریز نغمه لری، سرین بولاقلارین گوز یاشیندان دوری، صاف سوی، یاشیل داغلارین الوان و طراوتلی چیچکلری، آنالارین حسرت و اضطرابینی نقل ائدن نقشلی خالچالار، کورپه بیر عاشیقین سینه سیندن قوپاریلان اینجه بیر ساز و باشقا بیر چوخ شئیر حکمدارین حضورینه هدیه اولراق تقدیم ائدیلدی.

حکمدار قازاندیغی ظفردن و آلدیغی هدیه لردن فرحله نه رک:- موسیقی چالینسین- دئدی. تارین عظمتلی و محتشم آهنگی کمانچانین حزین و شکایتلی سسینه قاریشدی. گوزلری الملی، ساچلارینا دن دوشموش بیر مغنی کونلونین درینلریندن اینیلتی بیر سسله اوخوماغا باشلادی،

حکمدار اونون نغمه سینی یاریدا بوراخیب:- شنلیک رقصی چالینسین- دئدی. رقص باشلانندی. اوینایان قیزلارین رقصی سونسیز بیر مایوسلیق افاده ائدیردی. حکمدار بونی دا رد ائدی. سونرا باده لر دولدی، شرابلار ایچیلدی. شرابین یاراتدیغی صنعی نشئه مجلسی جانا گتیردی. انسانلار گولمه گه، شنلنمه گه باشلاییب عیش- عشرته دالدیلار. بو زمان قاپو خدمتچیسی مجلسه گلیب حکمدارا تعظیم ائيله دی، اونا بیر سوزی اولدیغینی بیلدیردی. حکمدار نشئه ایچره سینده:- نه ایسته بیرسن، سویله- دئدی. قاپو خدمتچیسی آغ ساچلی بیر قوجانین حکمدارا هدیه تقدیم ائتمه ک ایچون مجلسه گلمه گه اجازه ایسته دیگینی بیلدیردی. حکمدار اونی رد ائيله مه دی. - بوراخ گلین- دئدی. خدمتچی گئتدی. مجلس اوز شنلیگینه دوام ائدیردی. آز سونرا آغ ساچلی نورانی بیر اختیار اورتایا گلدی. اونین اوزون ایلر محتلی و چتین یوللاردان کئچیب گلدیگینی افاده ائده ن فکرلی گوزلری، صنعتکار اضطرابینین درین چیزگیلر سالدیغی گنیش و آچیق آلنی، چیکینلرینه قدر توکولموش قار کیمی آغ ساچلاری کمال و ذکا عالمیندن نشان وئریردی.

اونین الینده اوزی قارا اورتی ایله اورتولموش بیر لوحه وار ایدی. مجلس شنلیگینه دوام ائدیردی، قوجا، حکمدارین قارشیسینا گلدی. سلام وئریدی. الینده دوتدیغی لوحه نین اوزوندن قارا اورتینی گوتوردی.

مجلس سوسدی... موسیقی و شنلیک سسلری کسیلدی... قدحدر چینگیلتی ایله یئره دوشدی. انسانلارین سرخوشلیغی کئچدی. صنعی صورتده یارادیلان نشئه سویودی. اختیارین گتیردیگی هدیه بوتون مجلسی آغلادی.

اختیارین گتیردیگی لوحه وطن اضطرابلارینین جانلی تمثالی اولان اسیر و گوزه ل بیر قادین شکلی ایدی. اونین گوزلری اضطراب و غضبه دولی ایدی، او آغلامیردی. بو مفرور و گوزه ل اسیر انسانلاری انتقاما، غضبه و آزادلیغا چاغیریردی. اونین قوللاریندا زنجیر واردی. بو قادین اسیر وطنی تمثیل ائدیردی.

قوجا رسامین فیرچاسیله چکیلیمیش لوحه نین قوتیندن حکمدار اوزی ده بیر آن ایچون دهشته گلدی. سونرا تئز اوزینه گلیب: ((گوتورین بو قارا کابوسی!))- دییه قیشقیرماغا باشلادی. قوجا رسام قارا اورتوگی مضطرب گوزه لین باشینا سالدی. حکمدار یئنه:- موسیقی چالینسین، باده لر دولسون، رقص باشلانسین- دییه امر لر وئریدی. لاکن نه موسیقی چالیدی... نه رقص

اڏيڏي... نه باده لڙ دولدي. مجلس سوسدي... مجلس، اوستونه سو سپيلميش ڪيمي نفسيئي
چڪمه دي.

رسم فيرچاسي حڪمدار قيلنجينا غالب گلميشدي... همن گئجه حڪمدار وزيريني چاغيريب:-
صباح قتل ميدانيندا قوجا رسامين بويئي ويريلسين!- ديهه امر وئردى.
سحر بويوك گونش داغلارين داليندان عظمتله قالحديغي زمان شيبور سسلرى بو گون آدم
قتل اولوناجاگيني خبر وئردى. هامي ميدانا توپلاشدي. اوشاق- بويوك هامي آخيب ميدانا
توكولدى، ازدحامين آراسيندان پيچيلتيلار گلير، سسلر يوكسه ليردى. بو آرا اوشاقلار
(گتيريرلر)) ديهه باغيرماغا باشلاديلار. همن آندا ازدحام ايڪيه آيريلدى. قوجا رسامي
قوللارى باغلى حالدا گتيرديلر. او، اولوم منزليه يئيشدي... - قوللاريمي آچين- دئدى.- من
هئچ بير شئي ايسته ميرم، آنجاق قوللاريمي آچين... اولومه گئده نين سون ايسته بينه عمل آنده
رڪ، اونين قوللاريني آچديلار.

قوجا رسم بويلانيب جماعت آراسيندان ڪيمي ايسه گوزلرى ايله آختاريردى. بيردن اونين
گوزلرينده بير آن ايچون سئوينج شعله سي ياندى. او، اوز شاگيرديني گورموشدى. سونرا اليني
قوينونا اوزالديب اورادان بير فيرچا چيخاردى، اوني شاگيردينه اوزاتدى:- آل اوغوم- دئدى.-
بوني هئچ زمان يادلارا وئرمه !..

كتله آراسيندان قارا قيورجيق ساچلى، آهو گوزلى مفرور و دالغين بير گنج ايره لى گلدى. قوجا
رسامين اليني اوپدى. سونرا فيرچاني آليب آيريلماق ايسته ديكده جلاذ اوني ياخالادى. فيرچاني
اليندن آلماق ايسته دي، لاکن كتله فيرتيناسى بير دنيز قوتيله گنجى اوز دالغالارى آراسيندا
گيزلتدى. اوني اله وئرمه دي. قوجا رسامي قتل ائتديلر.

ايللر گلير، ڪئچير، زمان دگيشير. بو گون حاڪم اولان حڪمدارلار صباح محڪوم اولور، تختلر
دگيشير، لاکن فيرچا هئچ زمان اوز قووتيني ايتيرميردى. بو فيرچايله رسم چڪه ن، لوحه يارادان
بوتون رساملارين صنعتينده بويوك بير حقيقت واردى. بو فيرچا ايله بو گونه قده رنجه لوحه
لر يارانميشديسا، هئچ بيرى سئوينج افاده آنده بيلمير، هئچ بير رسامين ياراتديغي گوزه لين
دوداقلارى گولومسه ميردى. بو فيرچانين ياراتديغي گوزه ل، ياليز وطن آزادليغا چيخان زمان
گولومسه دي. بو فيرچادا بويوك بير سحر قووه سي وارايدى، او دوغرى اولمايان شئى تصوير
ائتمه ڪدن عاجيز ايدى. بو فيرچا ياليز خلقه و حقيقته خدمت آنده رڪ ياشاميش، خلق ده اوني

عزیز دوتموش و قوروموشدی. بو گون آزاد وطنیمیزین تمثالینی یارادان همین فیرچادیر کی،
سن اونی سیر ائدیب و فرحله نیرسن...))

آزاده بایاقدان بری غمله دولموش گوزلرینی آناسینین آزاد و بختیار وطن تمثالینا دیکمیش،
خوشبخت نظرلریله گولومسه بیردی.

نیگار رفیعبگلی

((آزاد تبریزین گله جک رسامینا اتحاف))

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

گجیل

<http://Gajil.20m.com>